



Amorebieta-Etxanoko Udala  
Bizkaia

## Saila: KONTRATAZIOA

Espediente zk.: 17-3399

**GANEN KIROL INSTALAZIOAK ERABERRITZEKO LANEN  
PROIEKTUA IDATZI ETA OBRA ZUZENTZEKO LAGUNTZA  
TEKNIKOA PROZEDURA IREKI BIDEZ KONTRATATZEKO  
ADMINISTRAZIO BALDINTZA PARTIKULARREN AGIRIA**

### *I. KONTRATUAREN EDUKIA*

#### **1.- ERAKUNDE KONTRATATZAILEA ETA KONTRATAZIO-ORGANOA**

Subjektu kontratatzailea Amorebieta-Etxanoko Udala da, hots, Toki Administrazioaren nortasun juridiko publikoa duena.

Kontratazio-organoa Amorebieta-Etxanoko Udaleko Alkatea da, azaroaren 14ko 3/2011 Errege Dekretu Legegileak onartutako Sektore Publikoko Kontratuen Legearen Testu Bateratuaren (aurrerantzean SPKLTB) bigarren xedapen gehigarriak emandako eskumenaren arabera.

Kontratazio-organoan kontratazio-mahaia egongo da, modu honetan eratuta:

- Mahaiburua. Amorebieta-Etxanoko Udalburua edo berau ordezkatzeko duena.
- Bokalak:
  - EAJ/PNV taldeko zinegotzi bat.
  - EH Bildu taldeko zinegotzi bat.
  - HE taldeko zinegotzi bat.
  - PSE-EE taldeko zinegotzi bat.
- Udalaren idazkaria edo funtzionario ordezkaria.
- Udalaren kontu-hartzailea edo funtzionario ordezkaria.
- Udaleko arkitektoa edota funtzionario ordezkaria.
- Idazkaria: Administrazio Orokorreko teknikari bat edota honek eskuordetzen duen funtzionarioa.



**Amorebieta-Etxanoko Udala**  
**Bizkaia**

## **2.- KONTRATUAREN XEDEA**

Kontratu honen xedea Ganen kirol instalazioak eraberritzeko lanen proiektua idatzi eta obra zuzentzeko laguntza teknikoa ematea izango da. Lan hauen barne geldituko dira agiriak prestatu eta baldintza teknikoen agiriak jasotako prestazio zehatzak ematea.

CPV kodea: 71200000-0 Arkitektura zerbitzuak eta honi lotuta daudenak.

## **3.- BETEARAZPEN EPEA**

Agiri honetan jasotako lanek ondoko gehienezko epeak bete beharko dituzte:

<b>LANAREN DESKRIBAPENA</b>	<b>EGIKARITZEKO GEHIENENKO EPEA</b>
Berrikusitako proposamen orokorra, aldez aurreko azterketa, balorazioa barne duela, kapitulu eta partidako prezioak jasoz eta I eta II. faseak desberdinduz.	Adjudikazio kontratua sinatzen denetik 6 aste
Proposamena jasotzen duen agiria, sektoreko baimenak eskatzeko (I eta II. faseak)	Behin betiko proposamenari oniritzia ematen zaionetik, aste 2
Egikaritze-proiektua eta eranskinak (I eta II. faseak)	Behin betiko proposamenari oniritzia ematen zaionetik, 8 aste
Obra zuzendaritza eta eranskinak eta segurtasun eta osasuna koordinatzea	Fase bakoitzeko obraren iraupena (I eta II. faseak)
Obra amaierako agiriak ematea	Fase bakoitzeko obrak onartzen direnetik 4 aste

Aurreko taulan adierazitako epeak beteko direla bermatzeko beharrezko tarteko epeak Lan Egitaraua onartzerakoan zehazten direnak izango dira.

Kontratuan ezarritako epea bakar-bakarrik luzatu ahal izango da indarrean dagoen legeriak ezarritako inguruabar eta baldintzak betetzen direnean.

Kontratista berandutzan dagoela ulertuko da igarotako epea igaro bada eta ez da beharrezkoa izango Administrazioak horrelakorik salatzea.



Amorebieta-Etxanoko Udala  
Bizkaia

#### 4.- KONTRATUAREN PREZIOA

Kontratuaren prezio osoa, lizitazioaren oinarri izango dena, hau da:

LAUROGEITA BEDERATZI MILA ETA EHUN EURO (99. 100,00 €).

BEZ %21: HOGEI MILA ZORTZIEHUN ETA HAMAIIKA EURO (20. 811,00 €)

GUZTIRA: EHUN ETA HEMERETZI MILA BEDERATZIEHUN ETA HAMAIIKA EURO (119. 911,00 €).

Lizitazioaren prezioa hobetu ahal izango dute lizitatzailerak. Kopuru horietan barneratutzat joko dira kontratu horretako xede diren lanak gauzatzeko beharrezkoak diren kostu guztiak.

Indarrean dagoen legeriak eska ditzakeen gainontzeko proiektu osagarriak barne daudela ulertzen da, esaterako: segurtasun eta osasunerako proiektuak, kalitate kontrola, hiri instalazioak, eraiste proiektuak, azterketa hidraulikoak, azterketa akustikoak, altxamendu topografikoak, azterketa geoteknikoak, etab. Guzti hau baldintza teknikoaren agirian jasotako aurreikuspenen kaltetan gabe.

Kontratuaren gutxi gorabeherako balioa (APKLTBren 88. art.): 99. 100,00 €.

#### 5.- FINANTZAZIOA

Kontratuaren prezioa ordaintzeko, indarrean dagoen aurrekontukoaren kargura finantzaketa aurrez ikusia dago. Aurrekontu arloan eskudunak den organoak hurrengo ekitaldietako aurrekontuetan behar adina kreditu jartzeko konpromisoa hartzen du.

#### 6.- ORDAINTZEKO MODUA

Kontratatik erabat gauzatuak dituen lanak adostutako prezioen arabera kobratzeko eskubidea dauka, egindako kontratuan, onetsitako aldaketetan eta Administrazioak emandako aginduetan oinarrituta.

Ordainketa honela egingo da:

- Zehatz baloratutako proposamena eta alde aurreko azterketak berrikusi: Azkenean esleitutako zenbatekoaren %10a, udal teknikariek aurkeztutako agiriei oniritzia emanez.
- Egikaritze-proiektua idaztea:
  - %45 hasierako onarpenerako aurkeztu eta agiriei oniritzia ematerakoan.
  - %5 proiektua behin betiko onartzerakoan.



**Amorebieta-Etxanoko Udala  
Bizkaia**

- Obra zuzendaritza, egikaritze-zuzendaritza eta segurtasun eta osasuna koordinatzea:
  - %15 obrako I. faseko kitapenarekin.
  - %15 obrako II. faseko kitapenarekin.
- Obra amaierako agiriak
  - %5 I. faseko agiriak aurkeztu eta udal teknikariek hauei oniritzia ematerakoan.
  - %5 II. faseko agiriak aurkeztu eta udal teknikariek hauei oniritzia ematerakoan.

Kontratuaren prezioaren ordainketa SPKLTBren 216.4 artikuluan aurreikusitako epean egin beharko da. Ordainketaren aurretik, lana gauzatu dela egiaztatuko duen agiria aurkeztuko da eta hari oniritzia eman beharko zaio.

Fakturan ondokoak agertu beharko dira: Kontabilitate publikoko arloan eskuduna den administrazio organoa zein den: Udal kontu-hartzailletza, kontratazio organoa zein den: Alkatetza eta jasotzailea: Alkatetza.

Dagokion faktura elektronikoa izan beharko da 2.000 euro baino gehiagokoa denean, BEZ barne. Edozelan ere, zenbateko hori baino baxuagoa izan arren ere faktura elektronikoa aurkeztu ahal izango da hala nahi izanez gero.

Faktura elektronikoak egiteko beharrezkoak diren DIR 3 kodeak ondokoak dira:

Kontabilitate bulegoa		Amorebieta-Etxanoko Kontu-hartzailletza	L01480031
Kudeatzen organoa	duen	Amorebieta-Etxanoko Udala	L01480031
Izapidetzen unitatea	duen	Amorebieta-Etxanoko Udala	L01480031

Faktura elektronikoa HORNITZAILEAREN ATARIAN aurkeztuko da, Udaleko web orriaren bidez edo ondoko helbidean:

<https://e-udala.amorebieta-etxano.eus:8089/fakturak>

## **7.- PREZIOAK BERRIKUSTEA**

Kontratu honen prezioak ezin izango dira aldiro eta aurrez ezarritako epean berraztertu SPKLTBren 89. art.an aurreikusitakoaren arabera, Espainiako ekonomia desindexatzeko martxoaren 30eko 2/2015 Legean jasotzen den bezala.



Amorebieta-Etxanoko Udala  
Bizkaia

## 8.- BERMEAK

Ekonomikoki proposamen onuragarriena aurkeztu duen lizitzaileak, hartutako betebeharren betepena bermatzeko xedearekin, lizitazioaren oinarrizko prezioaren %5eko behin betiko bermea eratu beharko du, BEZa kanpo.

Aipatutako bermea eratzeko epea hamar egun baliiodunekoa izango da, errekerimendua jasotzen duen egunaren biharamunetik zenbatuta. Horrez gain, SPKLTBren 96. artikuluan ezarritako baliabideetatik edozein erabili ahal izango da. Abalaren bidez eraturako behin betiko bermearen eraketa erakunde abal-emaileak egindako adierazpen arduratsuaren bidez egiaztatuko da, agiri honen I. Eranskinean jasotako eredu aintzat hartuta. Kauzioko aseguru-kontratuaren bidez behin betiko bermearen eraketa erakunde aseguratzailerak egindako adierazpen arduratsuaren bidez egiaztatuko da, agiri honen II. Eranskinean jasotako eredu kontuan izanda.

Adierazitako epean eskaera ez bada behar bezala betetzen, lizitzaileak bere eskaintza atzera bota duela ulertuko da. Kasu horretan, eskaintzen sailkapen ordenari jarraituz, dokumentazio bera eskatuko zaio hurrengo lizitzaileari.

Kontratua aldatzearen ondorioz, horren prezioa aldatzen denean, bermea doitu egin beharko da, batik bat, aldatutako prezioari begira behar besteko proportzioa izan dezan, hamabost eguneko epean, enpresariari aldaketa-erabakia komunikatzen zaion datatik zenbatuta.

Bermea SPKLTBren 102. artikuluan xedatutakoaren arabera itzuliko da, behin kontratuaren likidazioa onetsita eta bermearen epea igarota, betiere adjudikaziodunaren erantzukizunak sortzen ez badira.

## 9. KONTRATUAREN BETEARAZPENA

Kontratua kontratistaren arriskuan eta menturan beteko da.

Kontratua agiri honetako klausulei, horri lotutako zehaztapan teknikoei eta adjudikaziodunak egindako eskaintzari erabat lotuta gauzatuko da, baita SPKLTBan eta gainerako arauetan xedatutakoari ere, Administrazioaren zuzendaritzapean, ikuskaritzapean eta kontrolpean. Administrazioak ahalmen horiek bai idatziz, bai ahoz gauza ditzake.

Kontratatari edo horren mendeko pertsonen egotzi dakizkiekeen egintzen edo ez-betetzen ondorioz kontratuaren garapena egokia izatea zalantzan jartzen bada, Administrazioak kontratua burutzeko ordena egokia erdietsi edo berrezartzeko beharrezkotzat jotako neurriak hartzea agindu ahal izango du.

Adjudikaziodunak erabat gauzaturako lanak hitzartutako prezioetan kobratzeko eskubidea izango du, adjudikatutako kontratuaren, onetsitako aldaketen eta Administrazioak idatziz emandako aginduen arabera.



**Amorebieta-Etxanoko Udala**  
**Bizkaia**

Udalak eskubidea dauka edozein unetan zuzendaritza eta ikuskaritza ahalmenak egikaritzeko eta kontratistari jarraibideak eman ahal izango dizkio. Jarraibide horiek derrigorrez bete beharrekoak izango dira kontratistarentzat, betiere, baimendu gabeko lanen aldaketak ekartzen ez badituzte eta kontratu honetan adostutako baldintzen eta indarrean den legediaren xedapenen kontrakoak ez badira.

## **10.- KONTRATISTAREN LAN-BETEBEHARRAK**

Kontratista, esleitutako lana burutzeko erabiliko dituen langileei dagokienean, behartuta dago lan arloan, Gizarte Segurantza arloan eta Laneko Arriskuen Prebentziorako arloan indarrean dauden xedapenak zehatz betetzera. Horrelakorik beteko ez balitz, Administrazioak ez luke erantzukizunik izango.

Amorebieta-Etxanoko Udalak ez du inolako lotura juridikorik, laneko harremanik edo bestelako loturarik izango adjudikaziodunaren langileekin, ez kontratuaren indarraldian, ezta kontratua amaitzean ere, eta adjudikaziodunaren konturako dira kontratuaren ondorioz sorturiko betebeharrak, kalte-ordain eta erantzukizun guztiak.

Kontratu honen xede den jardueran lan egingo luketen langileei dagokien hitzarmen kolektiboa zein den adierazi beharko du kontratistak, adjudikaziodun izan baitaitezke. Era beran, kontratua esleitu ondoren benetan aplikatzen diren lan baldintzei buruzko beharrezko informazio guztia eman beharko du.

Adjudikaziodunak hitzarmen kolektiboan jasotako lansaria ordaindu beharko du, dagokion kategorian profesionalaren arabera, lanek irauten duten bitartean. Lansaria ezin izango da aipatutakoa baino baxuagoa izan.

Adjudikaziodunak hitzarmen kolektiboari buruz ematen duen informazioa Amorebieta-Etxanoko Udaleko kontratatzailearen profilean argitaratuko da.

Prozedura honetan parte hartzen duten lizitatuak lizitazio, adjudikazio eta betearazpen prozesuen ondoriozko datu guztiei erakunde gardentasuna emateko betebeharrak onartzen dute amaitu arte.

## **11.- KONTRATISTAREN ERANTZUKIZUNA**

Kontratistaren ardura da zerbitzu-eragiketen ondorioz sor litezkeen kalteak eta galerak bere gain hartzea, SPKLTBren 214. artikuluan xedatutakoarekin bat etorriz (kalte-ordainak ordaintzea).

Proiektua prestatzea bere osotasunean Administrazioak kontratatu badu, egileek SPKLTBko 310-312 art.etan jasotako erantzukizuna izango dute.



**Amorebieta-Etxanoko Udala  
Bizkaia**

## **12.- KONTRATUAREN ALDAKETAK**

Kontratazio-organoak, kontratua hobetu ondoren eta interes publikoko arrazoiak medio, aldaketak hitzartu ahalko ditu, I. Liburuko V. Tituluan aurreikusitako kasu eta moduan, eta SPKLTBren 211. artikuluan araututako prozeduraren arabera. Hala eginez gero, behar bezala justifikatu beharko du espedientean.

Araubideari dagokionez, SPKLTBko 105-108, 210 eta 219 artikuluetan xedatutakoa beteko da.

Aldaketak egin ahal izateko, nahikoa justifikatu beharko da APKLTBko 107. artikuluan aurreikusitako inguruabarretakoren bat gertatzen dela. Aldaketa horiek ezingo dituzte aldatu likidazioaren eta adjudikazioaren funtsezko baldintzak eta, era berean, beharrezko egiten dituen kausa objektiboari erantzuteko beharrezko aldakuntzak baino ezingo dituzte sartu.

## **13.- HARTZEA ETA BERME-EPEA**

Kontratu honen xede diren lanak amaitutakoan, kontratua amaitzeko baldintzen eta zehaztapenen arabera, eta Administrazioak bere oniritzia emandakoan, onespren akta egingo da.

Gainera, URTEBETEKO (1) berme-epea egongo da, harrera data edo adostasun datatik aurrera zenbatzen hasita, SPKLTBan eta Herri Administrazioen Kontratuei buruzko Legearen Araudi Orokorrean adierazitako ondorioetarako.

Berme-epe horretan egiten diren lan edo zerbitzuetan akatsak agertzen badira, esleipenduna izango da erantzulea.

Berme-epe horretan Administrazioak eragozpenik jartzen ez badu, epea amaitutakoan esleipendunaren erantzukizuna amaitutzat joko da.

## **14.- KONTRATUA HUTSALTZEKO ARRAZOIAK**

Kontratu hau amaitzeko kausa izango dira, pleguetan zehaztu eta SPKLTBren 223 eta 308. artikuluetan ezartzen direnak.

## **15.- ADMINISTRAZIOAREN ESKUMENAK**

Amorebieta-Etxanoko Udalak ondoko eskumenak ditu: kontratua interpretatzea, kontratua betetzeak dakartzen zalantzak argitzea, kontratua aldatzea interes publikoaren ondorioz, horren hutsaltzea adostu eta horren ondoreak zehaztea, betiere SPKLTBn ezarritako betekizunen eta ondoreen mende, baita Kontratuei buruzko Legearen Araudi Orokorrean ezarritakoaren mende ere.



Amorebieta-Etxanoko Udala  
Bizkaia

## II. KONTRATATZEKO PROZEDURA

### 16.- KONTRATUAREN ADJUDIKAZIOA.

Kontratu honen esleipena kontratazio-organoak egingo du, kontratazio-mahaiak hala proposatuta, izapidetze arruntaren eta prozedura irekiaren bidez.

Kontratua esleitzeko oinarri gisa erabilitako eskaintzen balorazio-irizpideak, modu automatikoan zenbatu ezin daitezkeen eta zenbatu daitezkeen irizpideetan berezita, garrantziaren arabera joera beherakorrarekin eta horiei atxikitako haztapenarekin antolatuta, hurrengo hauek dira:

#### *AUTOMATIKOKI ZENBATU EZIN DAITEZKEEN IRIZPIDEAK:*

<p><b>PROPOSAMEN TEKNIKOA:</b></p> <p><b>Ganeko instalazioak eraberritzeko proposamena.</b> Agiriak gehieneko luzera bat izango du: <b>Gehienez 10 orrialde alde batetik, letra tamaina gutxienez 10ekoa, orrialdearen gehieneko tamaina A4. Planoak eta infografiak, gehienez 5 orrialde, letra tamaina gutxienez 10ekoa eta orrialdearen gehieneko tamaina A3koa. Gehieneko hau gainditzen duten eskaintzei -5 puntu kenduko zaizkie gehienez, -0,5 orrialde bakoitzeko.</b></p> <p>3. Diseinu proposamena. <b>35 puntu</b></p> <p>Proposamena inguruan txertatzea. 20 puntu.</p> <p>b. Proposamenaren diseinuaren kalitatea. 15 puntu.</p> <p>4. Eraginkortasun handiagoa duten material eta teknologien proposamena, mantentze-lan errazagoak eta ingurumena gehiago errespetatzen dutenak, bai produkzioan eta baita ondoren erabiltzerakoan ere. <b>15 puntu</b></p>	<p><b>0-50 puntu</b></p>
--	--------------------------

**AUTOMATIKOKI KUANTIFIKATU EZIN DIREN IRIZPIDEETAN LORTU BEHAR DEN PUNTUAZIOAREN GUTXIENENKO ATALASEA:** SPKLTBk 150.4 artikuluan xedatutakoarekin bat, balorazio orokorrean onartuak izateko, automatikoki kuantifika ezin daitezkeen irizpideetan eskaintzaileek gutxieneko puntuazioaren atalasea lortzea eskatuko da. Ildo horri jarraiki, **kontratazio-mahaiak ez ditu kontuan hartuko 30 puntu lortzen ez duten eskaintzak.**

#### *AUTOMATIKOKI ZENBATU DAITEZKEEN IRIZPIDEAK:*

<p><b>ESKAINZA EKONOMIKOA:</b></p> <p>Puntuak jarraian adierazten den formularen arabera banatuko dira:</p> $PO = MaxP * \frac{MaxB}{O}$ <p>Azalpena:</p> <p>PO= Eskaintzaren puntuak</p>	<p><b>0-50 puntu</b></p>
---	--------------------------





Amorebieta-Etxanoko Udala  
Bizkaia

MaxP=Puntuak gehienez MaxB=Aurkeztutako eskaintzarik baxuena O= Baloratu beharreko eskaintza	
--	--

**Eskaintzen izaera neurrigabea edo ezohiko ezarritako helburu diren parametroen arabera hautemango da, Herri Administrazioetako Kontratuei buruzko Legearen Araudi Orokorraren 85. artikuluan eta hurrengoetan xedatutakoari jarraiki.**

## 17.- KONTRATATZEKO GAITASUNA ETA KAUDIMENA

Kontratazio-prozedura horretan pertsona fisikoek eta juridikoek parte hartu ahal izango dute, horiek espainiarrak izan zein atzerriarrak izan, betiere jarduteko erabateko gaitasuna badute eta APKLTBren 60. artikuluan (kontratatzeko debekuak) jasotako inguruabarretatik edozein bete ez badute.

Era berean, euren kabuz edo baimendutako pertsonak ordezkatuta egin ahal izango dute, betiere horretarako egilestutako behar besteko ahalordearekin. Pertsona juridikoaren ordezkartzan kide batek esku hartu badu, orduan horretarako gaituta dagoela agiriaren bidez egiaztatu beharko du. Kasu batean zein bestean, ordezkariaren gain aipatutako kontratatze ezgaitasun-arrazoiek eragina izango dute.

Gainera, lizitatuzaileek kontratu honen xedearekin zerikusi zuzena duten jarduerak burutzea izan behar dute helburu.

Europako Batasuneko Estatu Kideen enpresa ez-espainiarrek jarduteko gaitasuna Kontratuei buruzko Legearen Araudi Orokorraren I. Eranskinean jasotako lanbide- edo merkataritza-erregistro hauetako batean inskribatutako ziurtagiriaren bidez egiaztatu beharko dute: Europako Batasuneko Estatu Kideen eta Europako Gune Ekonomikoari buruzko Akordioaren Sinatzaileen Erregistroak.

Europako Batasunekoak ez diren Estatu pertsona fisikoek edo juridikoek Espainiako Diplomaziako Misio Iraunkor egokiak luzatutako txostenaren bidez justifikatu beharko dute atzerriko enpresaren jatorrizko Estatuak aldi berean Espainiako enpresen eta Administrazioarekin nahiz SPKLTBren 3. artikuluan zenbatutako bestelako erakundeekin kontratazioa egitea onartzen duela. Hala, beharrezkoa izango da enpresa horiek Espainian bulegoa irekita izatea, eragiketak egiteko ahalduak edo ordezkariak izendatuta, eta Merkataritza Erregistroan inskribatuta egotea.

Nolanahi ere, enpresa ez-espainiarrek kontratatze gaitasuna egiaztatze aurkeztu dituzten agiriak modu ofizialean gatzelaniara edo euskarara itzuli beharko dira.

Administrazioak ondore horretarako aldi baterako eraturako enpresarien elkarteak kontratatu ahal izango du (horretarako beharrezkoa izan gabe horiek eskritura publikoan formalizatzea esleipena egin arte). Hain zuzen ere, erantzukizun solidarioa izango dute Administrazioari begira, eta ordezkari edo ahaldu bakarra izendatuko da. Lizitatuzaile



Amorebieta-Etxanoko Udala  
Bizkaia

bakoitzak ezin izango du aurkeztu proposamen bat baino gehiago. Era berean, lizitatuzaileek ezin izango dute beste batzuekin aldi baterako enpresa-elkarterik eratuko, euren buruarekin egin badute, ezta aldi baterako enpresa-elkarte batean baino gehiagotan agertu. Arau hauek haustek suposatuko du honen aurka doazen proposamen guztiak ez direla onartuko.

## 18.- PROPOSAMENEN AURKEZPENA ETA ESKATUTAKO DOKUMENTAZIOA

Kontratazio honen espedientea, baita berari lotutako dokumentazio teknikoa ere, erakusgai egongo da Amorebieta-Etxanoko Udalaren bulegoetan, 8:30etik 14:30era, egun baliodun guztietan, lizitazio honen iragarkia Bizkaiko Aldizkari Ofizialean argitaratuta agertu ondoko egunetik aurrera eta proposamenak aurkezteko epea bukatu arte.

Proposamenak Amorebieta-Etxanoko Udalaren Erregistro Orokorrean aurkeztuko dituzte, aurretik adierazitako ordutegi berean eta 15 egun naturaleko epearen barruan, kontratuaren iragarkia Bizkaiko Aldizkari Ofizialean argitaratu eta biharamunetik zenbatuta. Eskaintzak aurkezteko azkeneko eguna larunbata edo baliogabea izanez gero, astelehen edo hurrengo egun baliodunera arte luzatuko da, hurrenez hurren.

Lizitazio hau kontratazio organoaren kontratatzailearen profilean ere argitaratuko da, hain zuzen ere ondoko web orri edo atarian: [www.amorebieta-etxano.eus](http://www.amorebieta-etxano.eus).

Hautagaiak eskabidea postaz bidali badu, bidalketa-data Posta bulegoan justifikatu eta kontratazio organoari iragarri beharko dio eskabidea egun berean telefax edo telegrama bidez igorri duela. Betekizun horiek bete ez badira, edo igorpenaren komunikazioa eskabideak jasotzeko epea igaro ostean jaso bada, eskabidea ez da onartuko. Egutegiko zazpi egun igaro badira aipatutako datatik eskabiderik jaso gabe, hori ez da onartuko.

Lizitatuzaileek hiru gutun-azal itxi aurkeztu beharko dituzte (A, B eta C), eta horietako bakoitzean hau azalduko da: “GANEKO KIROL INSTALAZIOAK ERABERRITZEKO LAGUNTZA TEKNIKOA PROZEDURA IREKI BIDEZ KONTRATATZEKO PROZEDURAN PARTE HARTZEKO PROPOSAMENA”.

A gutun-azalak, “**KONTRATATZEKO GAITASUNA ETA KAUDIMENA**”, III. eranskinean agertzen den ereduaren araberrako aitorten arduratsua jasoko du. Honek Sektore Publikoko Kontratuaren Legearen Testu Bateratuko 146.1 art. an aurreikusitako hasierako ekarpena ordezkatuko du.

Erantzukizunpeko Aitorpenarekin batera honako hauek aurkeztuko dira:

- d) Aldi Baterako Enpresa Elkarte sortzeko konpromisoaren ziurtagiria, enpresaburuek elkarte bat eratuta parte hartzen badute; ziurtagiriak III. eranskinean dagoen ereduari jarraituko dio eta sinatzaileen izen-abizenak etaegoera jasoko ditu, baita bakoitzaren partaidetza eta kontratuaren



**Amorebieta-Etxanoko Udala  
Bizkaia**

indarraldian zehar administrazioaren aurrean elkartearen ordezkartza osoa izango duen pertsona ere.

- e) Eskatzen den kaudimen edo sailkapena beste erakunde batzuetako kaudimen- edo sailkapen-baldintzekin eta baliabideekin osatuz gero, kaudimen edo sailkapena osatzearen aitorpen-agiria, erakunde biek sinatuta, III. eranskinean dagoen ereduarekin bat.
- f) Enpresa edo lanbide mailako gaikuntza eskatzen denean, gaikuntza hori egiazta dezakeen agiria aurkeztu beharko da.

III. eranskinean dagoen erantzukizunpeko aitorpenak honako dokumentu hauen behin-behineko aurkezpena ordezkatzeko du:

- vii. Eskaintza aurkezten duen pertsonaren nortasun agiri nazionalaren fotokopia.
- viii. Eskaintzailea pertsona juridikoa denean, eskaintza aurkezten duen pertsonaren NANaren fotokopiaz gain, eratzeko edo aldatze-eskritura, Merkataritza Erregistroan behar bezala inskribatutakoa, eta identifikazio fiskalaren zenbakia. Europako Erkidegoko Estatu kideetako enpresaburu ezespainiarrak direnean, nahikoa izango da erregistro profesionalean edo komertzialean inskribapena egiaztatzea, baldintza hori dagokion Estatuko legeriak hala eskatzen duenean.
- ix. Lizitatuak bere izenean jarduten ez badu, edo hori sozietatea edo pertsona juridikoa denean, proposamen ekonomikoa sinatu duenak kontratazio-organoren aurrean jarduteko behar besteko ahalordea duela eta horrekin bere izenean nahiz kasuan kasuko pertsonaren edo erakundearen ordezkari gisa kontratatzeko behar besteko ahalordea duela egiaztatzeko agiri sinesgarriak aurkeztu beharko ditu.
- x. Kaudimen ekonomikoa onartu eta merkataritza-erregistroan ala dagokion erregistro ofizialean gordailatu diren urteko kontuen bitartez egiaztatuko da. Aipatu kontuetan azkeneko hiru ekitaldi amaituetatik gutxienez batean negozioaren urteko bolumena 100.000 eurokoa edo hortik gorakoa izan dela egiaztatu beharko da.

Kaudimen teknika izaera bereko lanen zerrendarekin egiaztatuko da, interesdunak horiek azkeneko bost urteetan egin baditu. Zerrendari organo eskudunak igorri ostean behar bezala gauzatu direla adierazten duten ziurtagiriak erantsiko zaizkio. Nolanahi ere, gauzatze handiena izan den urteko zenbateko metatua gutxienez 50.000 eurokoa izango da. Izaera bereko lanak izango dira eraikuntza proiektuak idatzi eta burutzeak.

**Lizitatuak Erregistroak luzatutako ziurtagiriaren bidez egindako egiaztapena.** Aurretik aipatutako agiri guztien ordez, i) atalean jasotakoa izan ezik,



**Amorebieta-Etxanoko Udala  
Bizkaia**

ondoko erregistroetatik edozeinek luzatutako ziurtagiria ezarri ahal da: Bizkaiko Lurralde Historikoko Lizitatzailen Erregistroak; Euskal Autonomia Erkidegoko Kontratisten Erregistro Ofizialak; Estatuko Lizitatzailen eta Enpresa Sailkatuen Erregistroak; Erkidegoaren sailkapen-ziurtagiria.

Kasuan kasuko erregistroak aurkeztutako ziurtagirian jasotako inguruabarrei dagokienez, eskatutako agirien egiaztagiria aurkeztuko da.

Edozein kasutan ere, ziurtagiriarekin batera lizitatzailak egindako adierazpen arduratsua aurkeztu beharko da. Adierazpen horretan ziurtagiri egokian jasotako inguruabarrek inolako aldaketarik jasan ez dutela azpimarratuko da.

- xi. Enpresari batzuk lizitazioan Enpresen Aldi Baterako Elkartea eratuta esku hartu badute, horietako bakoitzak jarduteko gaitasuna aurreko puntuetan ezarritakoaren arabera egiaztatu beharko du. Era berean, ABEE bakoitzak egin beharreko xedearen zatia adieraziko dute, horien guztien kaudimen-betekizunak zehaztu eta egiaztatzeko. Lizitazioa enpresen elkarteari esleitu zaionean bakarrik, horiek egiaztatu beharko dute horren eraketa eskritura publikoaren bidez kontratazio-organoaren aurrean, betiere elkartearen ordezkaria edo ahaldun bakarra behar besteko ahalordeekin izendatuta, eskubideak egikaritu eta kontratuaren betebeharrak betetzeko hori iraungi bitartean. Enpresarien Aldi Baterako Elkarteen iraupena kontratua iraungi arte izango da.
- xii. Atzerriko enpresen kasuan, mota guztietako ordenetako Espainiako Epaitegien nahiz Auzitegien jurisdikzioaren mende jartzeko adierazpena, kontratuaren ondorioz zuzenean edo zeharka sor daitezkeen intzidentziei begira, eta, hala denean, jurisdikzio foruari uko eginda.

Dokumentazio hori, halabeharrez, adjudikaziodun gisa proposatutako eskaintzaileak aurkeztuko du, kontratua esleitu aurretik.

Era berean, prozedura behar bezala burutzea bermatzeko, administrazioak aipatutako dokumentazioa aurkezteko eskatu ahal izango die eskaintzaileei, eskaintza ekonomikoa duen gutun-azala ireki aurretik. Kasu horretan, eskaera jaso duten eskaintzaileek ezarritako gehienez ere hamar egun baliouduneko epean aurkeztu beharko dute dokumentazioa. Aurkeztutako dokumentazioan konpon daitezkeen hutsak edo ahazteak ikusten badira, gehienez ere hiru egun baliouduneko epea emango da, gabeziak zuzentzeko.

**“B” gutun-azalak** azpitolulutzat “AUTOMATIKOKI ZENBATU EZIN DAITEZKEEN irizpideak” izango du eta eskaintzak baloratzeko irizpideak, agiri honen 17. Baldintzan adieraziak, betetzea egiaztatzen duten agiriak jasoko ditu:

- Ganeko kirol instalazioak eraberritzeko proposamena. Agiriak proposamenaren memoria jaso beharko du dagozkion azalpenekin eta ondokoekin: materialen proposamena eta erabili beharreko sistemak, proposamena behar beste deskribatzen duten planoak eta estimazio



Amorebieta-Etxanoko Udala  
Bizkaia

ekonomikoa. Idatzizko dokumentazioa DIN-A4 formatuan aurkeztuko da eta dokumentazio grafikoa, DIN A4 tamainan tolestuta.

C gutun-azalaren azpizenburua “MODU AUTOMATIKOAN ZENBATU DAITEZKEEN IRIZPIDEAK” da, ondoko edukiarekin:

- IV. Eranskin gisa agertzen den ereduari egokitutako **proposamen ekonomikoa.**

**Gutun-azal bakoitzaren edukia errespetatzen ez duten eskaintzak baztertuak izango dira ez baldin badituzte modu automatikoan kuantifikatu daitezkeen irizpideei eta modu automatikoan kuantifikatu ezin diren irizpideei dagozkien agiriak behar bezala desberdindu.**

Administrazioak, dela esleipenaren aurretik dela esleipenaren ostean, eta kontratuaren aribidean, A, B eta C gutun-azalaren jasotako agirien edukien egitasuna egiaztatu ahal izango du. Izan ere, enpresak aurkeztutako edozein datu eta inguruabar faltsuak izanez gero, kontratua deuseztatuko da, kontratistari egotzi dakioken ez-betetzearen ondorioz, behin betiko bermea galduta, edo, hala denean, bermerik eratu ez bada, horren zenbatekoaren kalte-ordaina ordainduko dio. Gainera, Administrazioari ere konfiskatutako bermearen zenbatekoa gainditzen duten kalte-galeren kalte-ordaina ordaindu beharko dio.

Kontratua esleitu ondoren eta behin errekurtsioak aurkezteko epea igarota, horiek formalizatu gabe, proposamenekin batera aurkeztutako agiriak adjudikaziodun izan ez diren interesdunen esku geratuko dira. Data horretatik aurrera, **itzulketa-eskabidea hilabeteko epean bete ez bada, hori suntsitu egingo da.**

Lizitatzailerek eskatutako agiriak jatorrizkoan aurkeztu ahal izango dituzte edo, bestela, hauen kopia, notario batek edo Administrazioak behar bezala benetakotuta.

## **19.- ESKAINTZEN SAILKAPENA, ADJUDIKAZIOA, FORMALIZAZIOA ETA GASTUAK**

### **19.1. Agirien kalifikazioa, ongitu daitezkeen akatsak.**

Proposamenak aurkezteko epea igaro ondoren, kontratazio-mahaiak lizitatzailerek aurkeztutako administrazio-agiriak ireki eta egiaztatuko ditu, bai epean bai forman, hots, A gutun-azala.

Aurkeztutako agirian ongitu daitezkeen akatsak edo ez-betetzeak antzeman badira, orduan interesdunei fax edo posta elektronikoko bidez komunikatuko die, eta, gehienez ere, 3 egun balioduneko epea izango dute komunikazioa egiten denetik zenbatuta, antzemandako akatsak ongitu ahal izateko.



**Amorebieta-Etxanoko Udala  
Bizkaia**

Agirian ongitu ezin daitezkeen funtsezko akatsak edo gorabeherak ageri badira, proposamena baztertu egingo da.

Lan horiek amaitu ondoren, kontratazio-mahaiak lizitazioari begira onartutakoen, baztertutakoen eta bazterketa horren arrazoiaren gaineko esanbidezko adierazpena egingo du.

## **19.2. Proposamenen irekiera.**

Lehen ekitaldia. B GUTUN-AZALEAN: MODU AUTOMATIKOAN ZENBATU EZIN DAITEZKEEN IRIZPIDEAK jasotako agiriak Amorebieta-Etxanoko Udalaren kontratatzailearen profilean adierazitako egunean eta orduan irekiko dira, ekitaldi publikoan.

Ekitaldi honetan aurkeztutako proposamenen, lizitatzailen izenaren, agiriak kalifikatzeko emaitzaren, eta, hala denean, akatsen ongitzearen berri emango da. Osteen, mahaiak eskaintza teknikoak jasotzen dituen gutun-azalak ireki ahal izango ditu, aurkezpenaren hurrenkera aintzat hartuta, eta horietako bakoitzaren edukia azalduko du.

Jardundako guztia agirietan jasoko da.

Bigarren ekitaldia. Balorazioa egin ostean, eta hala denean, txosten teknikoa igorrita, ekitaldi publiko berrirako deialdia egingo da, eta hori Amorebieta-Etxanoko Udalaren kontratatzailearen profilean adierazitako egunean eta orduan egingo da.

Lehenbizi, modu automatikoan zenbatu ezin daitezkeen irizpideen balorazioaren emaitza ezagutaraziko da.

**Kontuan hartu behar da SPKLTBren 150.4 artikuluan ezarritakoaren arabera, ebaluazio orokorrerako onartuak izateko, automatikoki zenbatu ezin daitezkeen irizpideetan, lizitatzailerek gutxieneko puntuazioa lor dezatela eskatuko dela. Beraz, kontratazio-mahaiak ez ditu aintzat hartuko 30 puntutik beherako puntuazioa lortzen duten eskaintzak.**

Bigarrenez, C GUTUN-AZALEAN: MODU AUTOMATIKOAN ZENBATU DAITEZKEEN IRIZPIDEAK jasotako agiriak irekiko dira, eta ondoren, proposamen ekonomikoak irakurriko dira.

**Eskaintzarik onuragarrien artean berdinketarik egongo balitz, adjudikazioa langileen ehuneko biko baino gehiago desgaitasunen bat duten langileak dituen enpresaren alde egingo da.**

**Berdinketak jarraituko balu, kontratuaren adjudikazioa eskaintza ekonomikorik baxuena aurkeztu duen lizitatzaileren alde egingo da.**

**Berdinketak jarraituko balu, kontratua adjudikatzeko Kontratazio Mahaiak zozketa bat egingo luke.**



**Amorebieta-Etxanoko Udala  
Bizkaia**

Jarraian, eta aurretiaz txosten egokiak eginda, kontratazio-mahaiak kontratua esleitzeko proposamena hori egin behar duen kontratazio-organoari helaraziko dio.

## **20.- ESKAINTZEN SAILKAPENA, ADJUDIKAZIOA, FORMALIZAZIOA ETA GASTUAK**

### **20.1. Eskaintzen sailkapena.**

Kontratazio organoak gehienetik gutxienerako hurrenkeran sailkatuko ditu aurkeztu diren proposamenak, betiere, proposamen horiek normalak ez diren balioak edo neurritz kanpoko balioak dituztela irizten ez bada. Horretarako, kontuan hartuko ditu pleguan adierazitako esleipen irizpideak eta egoki iriztitako txosten teknikoak eskatu ahal izango ditu.

Kontratazio organoak eskaintza abantailatsuen egin duen lizitatzailari eskatuko dio, hamar egun baliioduneko epean, eskakizuna jaso eta biharamunetik kontatzen hasita, ondoren zehazten diren ziurtagiriak aurkezteko:

- Administrazio agiriak. Hauek aurketuz gero ez dago aitorpen arduratsua aurkeztu beharrik 18. klausulan ezarritakoaren arabera.
- Zerga-betebeharrak eta Gizarte Segurantzaren betebeharrak eguneratuta dituela adierazten duten agiriak aurkeztea.
- Kontratua esleitzeko zenbatekoaren %5eko behin betiko bermea eratzea (BEZa kanpo).
- Adjudikazioduna ABEE bat denean, goian aipatutako agiriez gain, epe berean, eraketaren eskritura publikoa, Aldi Baterako Elkarteari atxikitako IFK eta behar besteko ahalordea duen ordezkariaren edo ahaldunaren izendapena jaso beharko da.

Adierazitako epean eskaera ez bada behar bezala betetzen, lizitatzailak bere eskaintza atzera bota duela ulertuko da. Kasu horretan, eskaintzen sailkapen ordenari jarraituz, dokumentazio bera eskatuko zaio hurrengo lizitatzailari.

Bestalde, esleipendunak publizitate-gastu ofizialak ordaindu beharko ditu (gehienez 900 €).

### **20.2. Kontratuaren adjudikazioa.**

Kontratazio-organoak eskatutako dokumentazioa jaso eta egutegiko bost eguneko epean kontratua esleituko du. Halaber, esleipena sei hilabeteko epean egingo da, proposamenak irekitzen diren egunaren biharamunetik zenbatuta ( B gutun-azalak).



**Amorebieta-Etxanoko Udala  
Bizkaia**

SPKLTBren 161. artikuluan aurreikusten denez, epe hori 15 egun baliodunetan luzatuko da 152.3 artikulua zehaztutako tramiteak jarraitu behar direnean, balio anormalak edo neurritz gainekoak dituzten eskaintzen kasuan.

Eskaintza anormaltzat edo neurritz gainekotzat jotzen denean eskaintzaileari (edo eskaintzaileei, hala dagokienean) entzungo zaio, eta dagokion zerbitzuaren aholkularitza teknikoaren egon beharko da.

Kasu honetan, eskaintzaileak emandako arrazoiak eta txostenak aintzat hartuta, Kontratazio Organoak ekonomikoki proposamenik onuragarriena egiten duen eskaintzaileari egingo dio esleipena, beti ere Administrazioaren lanak egiteko gaitasuna duela; bestela, anormaltzat edo neurritz gainekotzat jotzen ez den proposamenari egingo zaio esleipena.

Halaber, ezarritako epeak igaro badira eta ebazpen-erabakirik eman ez bada, interesdunek eskaintzak atzera bota ahal izango dituzte, baita, hala denean, gordailututako bermeak ere.

Kontratazio-organoak ezin izango du adierazi lizitazioa hutsala dela, baldin eta eskaintza edo proposamen onargarria badago, agirian jasotako irizpideak aintzat hartuta.

Kontratuaren esleipena, ziodun ebazpenaren bidez, erabaki eta gero, lizitatuzaileei jakinaraziko zaie. Aldi berean, esleipena kontratazio organoaren kontratatzailearen profileen argitaratuko da. Jakinarazpenean eta kontratatzailearen profileen sinatzeko epea zehaztuko da, SPKLren 156.3 artikuluaekin bat etorriz.

### **20.3. Kontratua formalizatzea.**

Sinatu egiten denean gauzatuko da kontratua.

Kontratua hamabost egun balioduneko epean sinatuko da, adjudikazioa jakinarazten den egunaren biharamunetik kontatzen hasita, SPKLren 151.4 artikulua xedatutakoari jarraiki.

Kontratua ezin izango da burutzen hasi aurretiaz sinatu barik, premiazko edo presazko izaeraz izapidetutako espedientea izan ezik.

Esleipendunak, arestian aipatutako epearen barruan, kontratua legeztatzeko administrazio-dokumentua sinatu beharko du eta horri administrazio-baldintzen agiria erantsiko zaio.

Kontratastak aurkeztutako eskaintzak kontratu-balioa du, hobekuntzei, proposamenei eta kontratuaren burutzapenean eragina izan dezaketen bestelako alderdiei begira, ezarritako balorazio irizpideen arabera, kontratuaren esleipenerako erabakigarriak izan direnak.

Kontratua formalizatuta jasotzen duen agiria beti administrazio-agiria izango da, eta erregistro publiko orotan sartzeko baliozko titulua izango da. Bestalde, kontratua





**Amorebieta-Etxanoko Udala  
Bizkaia**

eskritura publikoan formalizatuko da, betiere kontratistak hala eskatu badu, eta horrek egilespenaren ondorioz sortutako kostuak ordainduko ditu. Kasu horretan, kontratistak kontratazio-organoari kopia eskuetsia emango dio.

### *III.- IZAERA, ARAUBIDE JURIDIKOA ETA JURISDIKZIO ESKUDUNA*

#### **21.- IZAERA ETA ARAUBIDE JURIDIKOA**

Agiri honen arabera egindako kontratuak administrazio-izaera izango du, eta bertan jaso ez den zatiari dagokionez, azaroaren 14ko 3/2011 Errege Dekretuaren bidez onetsitako Sektore Publikoaren Kontratuei buruzko Legearen Testu Bateratuan, Sektore Publikoaren Kontratuei buruzko urriaren 30eko 30/2007 Legea zati batean garatu duen maiatzaren 8ko 817/2007 Errege Dekretuan, urriaren 12ko 1098/2001 Errege Dekretuaren bidez onetsitako Herri Administrazioen Kontratuei buruzko Legearen Araudi Orokorrean, SPKLTBren aurka ez dagoen guztian eta Herri Administrazioen kontratazioari buruzko gainerako arauetan xedatutakoa aplikatuko da.

Administrazio-klausula berezien agiri hau eta espedienteari erantsitako gainerako agiri teknikoak bat ez badatoz, agiri honetan xedatutakoa aplikatuko da.

#### **22.- JURISDIKZIO ESKUDUNA**

Kontratuaren interpretazioari, aldaketari, ebazpenari, eta ondoreei buruz sortutako gaiak kontratazio organoak ebatziko ditu, eta horrek emandako ebazpenek administrazio-bide agortuko dute.

Kontratuaren ondoriozko auzi-gaiak administrazioarekiko auzien jurisdikzioaren mende geratuko dira. Hala ere, alderdiek auziak arbitrajearen bidez konpondu ahal izango dituzte, indarrean dagoen legeriak ezarritakoaren arabera.



Amorebieta-Etxanoko Udala  
Bizkaia

## I. ERANSKINA: ABALAREN EREDUA

..... erakundeak (kreditu-erakundearen edo elkarren bermerako sozietatearen izena), ..... IFZ duena, ..... helbidea (jakinarazpenak eta agindeiak jasotzeko) duena, ....., eta bere izenean ..... (ahaldunen izen-abizenak) jardunda, egintza honetan behartzeko behar besteko ahalordeekin, agiri honen beheko aldean aipatutako ahalordeen askiestea kontuan izanda,

### ONDOKOA ABALATU DU

..... (abalatuaren izen-abizenak edo sozietatearen izena), ..... IFZ duena, Sektore Publikoko Kontratuen Legearen Testu Bateratuaren 95. artikuluan xedatutakoa aintzat hartuta, **GANEN KIROL INSTALAZIOAK ERABERRITZEKO LANEN PROIEKTUA IDATZI ETA OBRA ZUZENTZEKO LAGUNTZA TEKNIKOA EMATEA** xede duen kontratua esleitzeko, Amorebieta-Etxanoko Udalaren aurrean, ..... zenbatekoarekin (letretan eta zenbakietan).

Aseguratuak adierazi du, bere erantzukizunpean, Herri Administrazioen Kontratuei buruzko Legearen Araudi Orokorraren 56.2 artikuluan eskatutako betekizun guztiak betetzen dituela. Abal hori modu solidarioan eman da behartu nagusiari begira, ordainketa ez eskatzeko onurari beren beregi uko eginda, eta Gordailuen Kutxa Orokorraren edo gainerako Herri Administrazioen organo baliokidearen lehenengo agindeia ordaintzeko konpromisoa hartuta, betiere Herri Administrazioen kontratuei buruzko legerian, horien garapen-arauetan eta Gordailuen Kutxa Orokorraren arauketa arautzailean ezarritako baldintzen mende.

Abal horrek Amorebieta-Etxanoko Udalak edo horren izenean legez horretarako gaitutakoak horren ezereztea edo itzulketa baimendu arte indarrean iraungo du, Sektore Publikoko Kontratuen Legearen Testu Bateratuan eta legeria osagarrian ezarritakoari helduta.

Berme-agiri hau data berean Abalen Erregistro berezian inskribatu da ..... zenbakiarekin.

.....n, 2017ko .....aren .....(e)(a)n

(Erakundearen izena)  
( Ahaldunen sinadura)

C.G.D.ko AHOLKULARITZA JURIDIKOAREN EDO ESTATUKO  
ABOKATUTZAREN AHALORDEEN ASKIESTE  
( Probintzia/Data/Kodearen zenbakia)



Amorebieta-Etxanoko Udala  
Bizkaia

## II. ERANSKINA: KAUZIO-ASEGURUAREN ZIURTAGIRI-EREDUA

..... erakundeak (aseguratzailearen izena), ..... zenbakiko ziurtagiria duena (aurrerantzean aseguratzailerak), ..... helbidea eta ..... IFZ dituenak, eta bere izenean ..... (ahaldunen izen-abizenak) jardunda, egintza honetan behartzeko behar besteko ahalordeekin, agiri honen beheko aldean aipatutako ahalordeen askiestea kontuan izanda,

### ONDOKOA ASEGURATU DU

..... (aseguratuaren izen-abizenak edo sozietatearen izena), .....IFZ duena, aseguru-hartzaile gisa, Amorebieta-Etxanoko Udalaren aurrean, (aurrerantzean aseguraturak), ..... zenbatekora iritsi arte (letretan eta zenbakietan), Sektore Publikoko Kontratuen Legearen Testu Bateratuan, garapen-arauketan eta , **GANEN KIROL INSTALAZIOAK ERABERRITZEKO LANEN PROIEKTUA IDATZI ETA OBRA ZUZENTZEKO LAGUNTZA TEKNIKOA EMATEA** xede duen kontratua arautzen duten administrazio-klausula berezien agirian jasotako baldintzen mende, aseguratuari begira aurretik aipatutako arauen eta gainerako administrazio-baldintzen arabera sortutako betebeharrei, enbarazuei eta sor daitezkeen gainerako gastuei aurre egin ahal izateko.

Aseguratzaileak adierazi du, bere erantzukizunpean, Herri Administrazioen Kontratuei buruzko Legearen Araudi Orokorraren 57.1 artikuluan eskatutako betekizun guztiak betetzen dituela.

Primaren ordainketa egin ez bada, dela bakarra, lehenengoa dela ondorengoak, horrek ez dio emango eskubiderik aseguratzailerari kontratua suntsitzeko, eta hori ez da geratuko azkenduta, ezta aseguratzaileraren estaldura etenda edo betebeharretik aske geratuko ere. Izatez, aseguratzailerak bermea gauzatu beharko du.

Aseguratzaileak ezin izango dio eragotzi aseguratuari begira aseguru-hartzailearen aurka ezarri ditzakeen salbuespenak.

Aseguratzaileak aseguratuari Gordailuen Kutxa Orokorraren edo gainerako Herri Administrazioen organo baliokidearen lehenengo agindeia ordaintzeko konpromisoa hartu du, Sektore Publikoko Kontratuen Legearen Testu Bateratuan eta gainerako garapen-arauetan ezarritako baldintzen mende.

Kauzio-aseguru horrek Amorebieta-Etxanoko Udalak edo horren izenean lege horretarako gaitutakoak horren ezereztea edo itzulketa baimendu arte indarrean iraungo du, Sektore Publikoaren Kontratuei buruzko Legean eta legeria osagarrian ezarritakoari helduta.

.....n, 2017ko .....aren .....(e)(a)n

(Aseguru entitatearen izena)

( Ahaldunen sinadura)

C.G.D.ko AHOLKULARITZA JURIDIKOAREN EDO ESTATUKO  
ABOKATUTZAREN AHALORDEEN ASKIESTEA  
(Probintzia)



Amorebieta-Etxanoko Udala  
Bizkaia

### III. ERANSKINA: AITORPEN ARDURATSUAREN EREDUA

.....jaunak/andreak, ..... helbidea duenak, eta ..... NAN zenbakia duenak, bere izenean eta/edo ..... enpresaren ordezkari gisa, ..... helbidea duena, eta ..... IFK duena

#### AITORTZEN DU

- h) Ordezkatzen duen enpresak legez ezarri eta kontratatzeko agiri honetan eskatzen diren baldintzak betetzen dituela eta Administrazioarekin kontratatzeko Sektore Publikoko Kontratuaren Legearen Testu Bateratuko 60. art.an jasotako ezein debekurik ez duela.
- i) Eskaintza prestatzerakoan kontuan izan dituela enplegua babesteko, lan baldintza eta laneko arriskuen prebentziorako zein ingurumena babesteko indarrean dauden xedapenen ondorioz sortutako betebeharrak.
- j) Baldintza horiek betetzen dituela egiaztatzen duten agiriak edozein unetan aurkezteko konpromisoa hartzen du, kontratazio organoak horrela eskatzen badio eta, edozein kasutan, adjudikazio proposamena bere aldekoa bada, adjudikazioa gauzatu baino lehen aurkeztu beharko ditu.
- k) Licitazio honetarako aitortzen du kontratua adjudikatuz gero, kontratuaren xede den jarduera burutzen duten langileei ondoko Hitzarmen Kolektiboa aplikatuko ..... zaiela ..... (adierazi sektorea eta lurralde eremua)
- l) Enpresa taldeari buruzko datuei dagokienean, ordezkatzeko duen enpresa Merkataritza Kodearen 42. art.ak jasotzen dituen kasuren batean dagoen edo ez (BAI/EZ)

Erantzuna baiezkoa izanez gero,

- EZ da kontratuaren adjudikaziora aurkeztu banako proposamenak aurkeztu dituzten enprekin, talde berekoak izan zein Merkataritza Kodeko 42.1 artikuluan jasotako kasuren batean egon.
- BAI, kontratuaren adjudikaziora aurkeztu da banako proposamenak aurkeztu dituzten enprekin, talde berekoak izan zein Merkataritza Kodeko 42.1 artikuluan jasotako kasuren batean egon. .... enpresarekin aurkeztu da hain zuzen ere.



**Amorebieta-Etxano Udala**  
**Bizkaia**

- m) Ordezkatzen duen enpresako plantillaren ehuneko bi baino gehiago desgaitasunen bat duten langileak direla BAI edo EZ.
- n) Legeak ezarritako ondore juridiko guztiekin errekerimendu, komunikazio eta jakinarazpen guztietarako datuak ondokoak direla adierazten du:

Harremanetarako pertsona.....  
Egoitza soziala  
PK.....Herria.....  
Telefonoa 1.....  
Posta elektronikoko helbidea.....

.....n, 2017ko .....aren .....(e)(a)n

Izp.:

Enpresaren zigilua

(Aldi Baterako Enpresa Elkarteen kasuan, ABEE, Aldi Baterako Enpresa Elkarteko kide bakoitzaren aitopren arduratsua aurkeztu beharko da eta ondorengo adierazpena erantsi beharko da).



Amorebieta-Etxanoko Udala  
Bizkaia

### A.B.E.E.REN ADIERAZPEN EREDUA

.....jaunak/andreak, ..... helbidea  
duenak, eta ..... NAN zenbakia duenak, bere izenean eta/edo  
..... enpresaren ordezkari gisa, ..... helbidea duena,  
eta ..... IFK duena  
ETA

.....jaunak/andreak, ..... helbidea  
duenak, eta ..... NAN zenbakia duenak, bere izenean eta/edo  
..... enpresaren ordezkari gisa, ..... helbidea duena,  
eta ..... IFK duena

### ADIERAZTEN DUTE

Formalki Aldi Baterako Enpresa Elkarte osatzeko konpromisoa hartzen dutela,  
..... eta .....ko parte-hartzearekin eta elkarteko ordezkari edota ahaldun  
bakar izendatzen dutela .....jn./and.  
kontratutik ondorioztatzen diren eskubideak eta beharrak egikaritzeko gaitasun  
nahikoarekin kontratua deuseztatu arte. Lizitazio honetako jakinarazpenetarako  
helbidea ..... ondokoa ..... izango ..... da:  
.....

Eta adierazpen honekin ados gaudela islatzeko, sinatu egingo dugu.

.....n, 2017ko .....ren  
.....(e)an

Izp.:

Izp.:

Enpresaren zigilua

Enpresaren zigilua



Amorebieta-Etxanoko Udala  
Bizkaia

#### IV. ERANSKINA: PROPOSAMEN EKONOMIKOAREN EREDUA

Nik, ..... jaunak/andreak,  
..... helbidean bizi naizen honek,  
..... NAN zenbakidunak eta ..... telefono-zenbakidunak,  
erabateko gaitasun juridikoarekin eta jarduteko gaitasunarekin, norberaren izenean  
(edo ..... enpresaren ordezkari gisa), Amorebieta-Etxanoko Udalak ,  
**GANEN KIROL INSTALAZIOAK ERABERRITZEKO LANEN PROIEKTUA  
IDATZI ETA OBRA ZUZENTZEKO LAGUNTZA TEKNIKOA EMATEKO  
ZERBITZUA** kontratatzeke deitutako lizitazioaren berri izanda, ondokoa aitortu dut:

1°. Lanak egiteko konpromisoa hartu dut prezio honen  
truke:.....€/urteko (zenbakiz eta letraz), gehi (hala badagokio)  
.....€/urteko, %21eko BEZari dagokiona; prezioak kontzeptu guztiak  
barne hartzen dituela ulertu beharko da, zergak, gastuak, tasak eta edozein zerga  
arloko arielak, kontratistaren industria etekina barne.

2°. Baldintza teknikoen agiria, administrazio baldintzen agiria eta kontratu hau  
eraentzen duten gainontzeko agiriak ezagutzen ditudala, guztiak onartu eta beteko  
ditudala.

3°. Ordezkatzen dudana enpresak berau ireki, instalatu eta funtzionatzen egoteko  
indarrean dagoen araudiak eskatzen dituen baldintza eta betebeharrak guztiak betetzen  
dituela.

.....n, 2017ko .....aren .....(e)(a)n

Izp.: